

《續修四庫全書》編纂委員會編

續修四庫全書

上海古籍出版社

五三〇・史部・傳記類

焦太史編輯國朝獻徵錄一百二十卷（卷八十八至卷一百二）〔明〕焦 竑輯……

266/90

焦太史編輯國朝獻徵錄卷之八十八目錄

湖廣一

布政使

李琦

盧廷佐

劉喬

方守

彭杰

何鰲

史朝宜

武尚耕

參政

黃焯

王泮

林偕春

獻徵錄 卷之八十八目錄

參議

王豫

方勉

畢鸞

劉誠

華山

張萱

盧煦

劉泉

楊言

吳子孝

蔣勳能

按察使

羅銓

高叔嗣

副使

新義

彭珣

田汝耕

屠應瑁

沈啓

張合

顏鯨

僉事

姚文灝

黃潤玉

左經

楊春

陳吾德

楊祐

獻徵錄 卷之八十八目錄

工

吳興茅元儀 全校

錢塘徐象標 刊行

目錄終

焦太史編輯國朝獻徵錄卷之八十八

湖廣一

布政使

湖廣布政司左布政使李琦傳

實錄

湖廣布政司左布政使李琦真定府元氏縣人由監察御史陞大理寺副坐事罷復起爲御史使安南占城榜葛刺諸國陞禮部左侍郎復使交趾還陞布政使琦簡易有識量而善談論故數奉使遠夷及爲湖廣政譽靡聞宣德八年正月朝覲至京吏部言其老不任事故命致仕

獻徵錄

卷之八十八

一

湖廣左布政盧公

倪岳

公字廷佐姓盧氏保竹其別號也世居姑蘇以間右徙實京師占籍應天之江寧家焉公爲人修髯廣頤兩頰如丹容儀秀偉頎然玉立韻度凝遠器識不凡少有大志慷慨負氣節性狷介不苟與時合博極羣書靡不精貫甫成童羣大夫以俊秀選補郡庠弟子員中景泰癸酉鄉試登天順丁丑進士第視政戶部嘗奉使大同福建所至纖毫無染庚辰拜兵部武庫主事武庫職百司隸役人得並緣爲利弊公聞而鄙之既上卽遜避不預其事恒主清理天下戎伍以故

獻徵錄

卷之八十八

二

偉有冰蘖聲劉文安公定之嘗以文贈公有曰武庫職劇要朝士多有事不容不干之得因以爲勢焰居武庫者如欲自爲地其利源亦莫能究也某於勢與利獨淡寂無所見議於士大夫自大司馬以下莫不嘉焉辛巳北虜寇陝西勢甚猖獗上命大司馬馬公懷寧侯孫公率六師往討之未及行改命都憲王公宏於是遽選廷臣之有幹局者往調腹裏士馬以益西兵公首奉勅以往北至河南簡閱馬步精銳者得萬人及措置軍裝以給將行謂統帥不可不重而難其人藩臬咸以都指揮林盛材勇可任第驚猛難

制公檄召之果固辭且出不遜語公正色責之曰

朝廷以高官厚祿著汝輩者正欲今日冀以禦侮也汝臨事畏難若此皇上官汝祿汝者何哉勿多言

子第知劾正其罪耳盛聞之股慄奉命時衛輝守禦千戶楊英亦以黥鰲爲公所制方在遣中公慮其合謀縱軍士爲暴復申明軍約給榜曉諭所至秋毫無犯民不知有兵至陝西總戎輩見其士馬精壯御之嚴而有恩咸噴噴嘆賞凱還王公入爲大司馬知公可任遇有邊報戎務必與之商確而後行如團營五軍三千神機爲十二營以至退冗兵禁私役皆委公

欽徵錄

卷之六十八

主

綜理公亦持正不阿權貴敏遜請託不行事克以濟秋滿得賜勅封父受竹翁如其官母張妻顧俱安人丁亥超拜武選郎中公杜倖門草宿弊武銓以清能聲大著時尚書白公既平荆襄回蒞部事益委任公而當道有欲以大壩功邀厚賞者公執不從竟如常議由是銜之已丑春有詔凡方面缺許大臣會薦遂薦公可任叅議蓋藉之耳諸大臣皆謂公未宜遽補外爭之不得乃以闕藩左叅議處焉公受命卽往時閩地大饑民攘竊巨室粟以苟朝夕建寧尤甚久之有已已遺葉倡之嘯聚爲盜巡撫滕都憲昭委公分

守公撫安賑濟招徠流移殆數萬人惟政和浦城山

谿險阻盜據之爲巢穴有司莫得其要領巨室乘之謂必勦之以兵公斥曰此饑寒所迫詎宜爾耶乃擇所部善星數者二人命之曰汝爲予過歷山溪間密廉之有所得必重賞泄機有罰無貸二人承命以往跋涉山溪遇一村姬誘而問焉姬不能隱指示諸賊所居二人過其廬賊見術士不之疑託以問卜各吐情實二人假禍福以諭之諸賊色變具得其情狀以歸公知其爲變非本意也乃與入政和浦城山中直抵賊巢面諭之許以不死俾之立約期以豐年償所

欽徵錄

卷之六十八

四

攘粟衆乃散去復陰遣人捕得賊酋余文興等餘二十人械繫郡獄懲之一方以寧巡按左御史鉅手書獎公有日設施措置特達有爲保地方以無虞活千萬之生命衆以爲然壬辰愛竹翁捐館計開棄官東歸撫柩悲號絕而復甦毀瘠骨立囊事畢結廬墓側朝夕哀慟不輟忽有五色芝二十餘本產於墓之左右遠通傳聞以爲孝感所致有司以聞詔旌其門乙未服闋卽家起爲浙藩叅議遂迎母夫人就養朝夕公暇躬奉甘旨以適其志夜必率妻孥候寢所俟安寢始退以爲常佳時則具酒散稱觴爲壽或效嬰兒

歌舞以樂其心極歡乃罷復有五色芝一本產於公署棠竹之傍嘗分守浙東東陽邑民杜春與道士某僞立通券誣良民逼索之反以告公公攝至因其辭色有異疑之乃各幽一室俾不相通首召春問曰汝貸錢與若人券書何紙所寫春曰開化紙命左右取紙示之曰是也公收之幽於原所又召道士問曰汝與杜春貸錢與若人券書何紙所寫道士曰姚黃紙命左右取紙示之曰是也公亦收之幽於原所人莫測其故少頃復取二人面訊之曰汝二人貸錢與人諒必相同何所云券紙不一非詐而何乃出紙示之

獻徵錄

卷之八十八

五

彼此相顧失色扣首服罪良民獲直人服其明又巡三衢開關化江山邑民爲處盜所掠公躬歷二邑廣詢父老備知山川險易修舉隘口皆堡立保甲相救之法復論遠近募人捕盜開示賞格果於處之龍泉悉獲諸盜自是盜不敢踰境矣至常山邑有要地曰迎恩埠頭乃吳越閭閻之所必由況地臨溪水壁立懸絕居民咸取汲於斯有司舊壘石爲道以便行汲歲久頽圯至冬道皆凝冰往來者稍失足則罹顛蹶之患公一見遂鳩工材斲石爲梁人甚便焉屬邑歲均徭必經藩司編理既定則榜示于衆俾知所應何

役其費幾何所司不久輒匿榜而更張之鄉民弗及詳因得罔而取諸民民皆含忿莫敢發公知其然乃創置關防由帖命里老率徭戶躬審之已乃書之由帖唱名而給俾有所據其弊乃革時海水溢沿海邑岸皆被衝齧而海鹽爲甚民不能田檄公治之公躬履斥鹵之地不避風日督屬修築民免於患大司馬項在位時嘗忤權貴既去怒未已復構成大獄奏遣中官往訊之嘉興之人懼羅無辜公力與辯析事多末減丁酉冬陞右叅政督理糧儲公受勅卽諄切戒諭期盡祛里書出納之弊所司凜然畏服明年春正月母夫人棄榮養而公去官矣扶柩合葬于愛竹翁復廬墓側家羅回祿舊業蕩然亦無所顧癸卯服闋改授湖廣時桑植土官爭職相殺戮劫印以逃積二十餘年不能詰公卽與臬副躬詣其地備歷險阻擒其渠魁將寘於法司獄者不謹使得逸去然自是畏懾不復敢肆惡矣尋陞右布政使進左布政使公立法嚴門庭肅清吏胥無以售其姦民以事至頃刻不留雖僚友所請亦謝不從時或怨而毀之亦不計其介如此有中貴使武當需索無已民不堪公力拒之多所裁省當路者滋不悅公嘗嘆曰吾久勞於外年

獻徵錄

卷之八十八

六

且至吾其休哉遂致仕歸則弘治改元戊申三月也
公居官一以仁民愛物爲心所至下必被其惠尤重
刑獄慮有抑枉乃於公暇編輯祥刑集覽一書梓行
以爲司刑者式故公去位而民思之不置焉既歸卽
杜門寡出交游中有同時相契者或一過從談笑爲
樂非知已不屑與接勝日肩輿往先隴盤桓標山之
間躬課農事盡日忘返郡舉鄉飲京兆重公名德請
爲上賓亦卻不往初公有第四人熙泰和皞相處極
友愛後泰皞相繼卒公極力營葬與人言及輒流涕
晚年惟熙和尚存且皆讀書喜吟詠朝夕歡聚恩義
兼篤嘗語之曰吾蒙恩旌門曰孝所當率厲勉行仁
義以無忝休命二弟佩服惟謹諸妹既嫁或寡而居
或貧而歸均爲贍給俾不失所云

欽徵錄

卷之八十八

七

湖廣布政使司左布政使劉公喬神道碑

李東陽

吾湖南有藩臬之長曰劉公諱喬字述憲吉之萬安
人也其先出河南祥符宋季曰功甫者丞萬安家子
官曾祖昭祖俊英皆贈刑部尚書考尚書公諱廣衡
累朝名德公其次子也景泰癸酉用廢爲國子生遂
舉京闈鄉貢第二人成化丙戌登進士第知湖之歸
安歸安壯縣公應手剗析獄無滯囚苗死溺而鄰邑
旱不可植公教民市其苗植之穫再倍每東作躬歷
田野徒步入里舍問民疾苦默詢其家豐商人賢不
肖賦稅獄訟率視此爲據吏不得售其姦禮禁喪俗
士家以佛齋致饋却弗內富民送葬妓樂數十絢則
罰以示戒癸巳召爲河南道監察御史按廣西荔浦
徭叛撤藩司守臣平之柳慶田三府多警凡所指畫
動中機會還按京畿稽諸司卷籍無所縱壬寅擢福
建按察副使發匿摘伏屬吏畏服有大俠私番射利
盤結下上莫能制亟斷遣之弘治戊申以外艱歸服
闋擢湖廣按察使持法甚謹庚戌用刑部尚書彭惠
安公薦遷右布政使辛亥轉左布政使則壹尚寬簡
盡除苛厲人或訝之曰牧道固足也會修三王府極

力綜治民不告怨勤諸府獄事皆得理蓋自筮仕至是勤勩舉職未嘗少逸間代祀南嶽力疾以往還至薌洲卒

獻徵錄

卷之八十八

九

湖廣右布政使方公守墓志銘 林俊

公諱守字宜約號省菴既致布政事舊業日落貸于里富人爲常人曰二品官如是耶傳爲笑予念公不能助也作憐白頭寄之事頗聞莆二庠士言之巡按御史宗君彝援詔例給廩又給田薦之朝未報公疾作強力序族譜以不及置義田爲恨比亟語其子曰文遊中見素念我不及爲別矣弘治甲子四月十八日也性沈裕雋永童卯卽老成爲官保陳康懿公所知以遠大屬之景泰癸酉年十八領鄉薦又十七年第進士爲戶部主事轉員外郎再轉爲郎中佩璽書

獻徵錄

卷之八十八

十

提督薊永山海延寧邊備錢穀出入易汗公獨不汗提督例一行陞堂上官公再行僅陞雲南叅政部之長不能平以問王太宰介菴答曰謂不知方耶雲南萬里荒外官解弛魚肉其民夷故用楊巡撫林憲副今又用方將更化於是謂繼宗及予也公在雲南與予同事金滄又同事司印予率直公濟以靜重以奉宣 今天子無外之仁更紀其政人始知有避趨要人歲入損十八而餘賦斂就輕盜賊衰止故官之妻子脫流寓歸若籍者數十家所在父老覩天日爲快磨乃夷納流人萬人鑿銀礦弱肉強食爲邊夷患先

事隱之予二人榜許首實人得活路散患解利輸幾
五千兩城趙州橋下陶修學立堡賴焉孟密夷故主
木邦當道右之孟密大縱木邦危如綫撫勦之責付
予二人時于厓怕愈奔印芒市放旦放彬爭官警殺
連數年官無何直夷視爲玩予二人謀曰請自近始
蓋實非專責也榜示之羣酋畏感縛怕愈出印以獻
放旦放彬囚首服罪於是刻漢緬書小榜遍給諸夷
諭以順逆禍福附者解體孟密勢轉孤悉還故所侵
地夷言曰事始如是奚至有今瘴作軫旋再往遂定
諸夷不平事輒從求直故無是也隴川夷兒頗習中
秋徵錄 卷之八十八 主

國語製儒巾衣擇漢人教之風隨還今學立焉每歸
夷官屬火伍數千走送或問之曰嚮撫夷至雞大不
寧今官兵不敢近吾家是以遠送羅拜而別大司馬
馬公廉實以聞文告之諸司爲勸王太宰亦錄名于
屏風謂公弟進士憲曰是而兄與林憲副齊名雲南
者也巨璫作金寶玩具極工緻未進而卒予二人議
剔其寶範其金輪之庫事雖弗諧廷直其議賓居賊
發公往征部分周整一夜營中驚臥處而靜由是僚
佐服公遠略算授功成凱旋議立州衛許之是時少
司馬王公詔繼巡撫大司馬韓公文繼左轄巡按潘

臬竝峙廉聲雲南有新換一番官之謠壬子之冬木
邦復仇爲孟密所困公往又定思謀親犒師然深入
歲數瘴毒所中耳目寢失清予既更繁湖南公亦來
爲右轄官所心迹無不具知者公繼母喪釋俸貧不
可支親舊強以起至臨清疾加作遂致其政方出長
史禮部尚書琬之後徙瓊山學錄康也曾祖積善祖
夢周父休徵有隱行累贈戶部員外郎妣王贈太宜
人公和柔孝謹方上春官太宜人微恙卽解裝侍藥
久之果不起員外訓以廉慎之詩昕夕佩誦聲色渥
若不立膝婢兄弟族里非甚僨戾無不加容納鄭山
秋徵錄 卷之八十八 主

之藏族惠感之讓也問學經義尤精嘗提調雲南試
公閱詩與主司連合十二卷其後稍參伍率在取列
延綏響馬盜至從者恇怯公厲聲曰吾方郎中也盜
引去方議事城戍報急鎮巡錯愕公曰第先之虜驚
遁平居若無能爲其應猝計類此

湖廣左布政使彭先生杰墓志銘

羅洪先

昔孔子言必稱丘明比老彭至于中行而不得則深
有取於狂狷何其慕者遠而就者怨歎蓋見世之日
下而悲人之難立也故曰一國之善士斯友一國之
善士嗚呼孔孟之時且若此又況百世而下能有所
立者哉洪先於水厓先生猶幸其見而深悲其亡也
先生者今之剛介人也其銳於有爲頗近於狂而所
守則甚狷嗚呼可易得哉先生姓彭諱杰字景俊吉
水瀧江人世出五代刺史玠後曾祖和祖鈞雖寧縣
教諭以幼子教推恩封翰林院修撰父占以先生推

獻徵錄

卷之八

主

恩封南京刑部主事母林氏贈安人繼母李氏封安
人教天順甲申進士第一人名行重一時先生與從
弟叅政桓少同學穎敏強記人奇之號爲二彭弘治
己酉舉鄉試庚戌賜進士出身第四人壬子授南京
刑部浙江司主事陞雲南廣東二司員外郎庚申用
尚書戴珊薦陞兗州知府未幾以繼母憂去乙丑起
復補廣平調真定戊辰復丁父憂癸酉起復補順德
乙亥用兵部尚書彭澤薦陞四川左叅政以平夷功
陞按察使辛巳春陞雲南右布政使是冬轉湖廣左
布政使癸未以引年致仕先生學有師承多讀書爲

徵錄

卷之八

主

文章汪洋恣肆而準于義理嘗負大志以爲天下事
無不可爲者故入仕三十四年所在必稱其官多於
難能者談笑舉之而氣不能下人亦竟以此屈抑不
能大顯初釋褐爲刑部取案牘繙閱數日笑曰刑名
止若是乎於是操斷卽踰老吏以爲治獄當得人情
而不可拘於律令當先權要而不可過求於寡弱凡
所奏獄雖隆貴子弟無所回避人竟莫有難者及爲
知府文案山積手自批答吏胥拱手無敢舞文而所
屬州縣皆得別其賢否使得以已意爲治大率主於
愛民而不取具文法四川十八寨焚夷叛先生以叅
政督餉出險道師賴以捷歸至叙州宣慰使冉儀所
部妄有所掠按察僉事郭公某廉其首咎之儀部下
鼓譟且叛城門盡閉先生適至行其管呼儀曰若與
吾非征焚夷來乎奈何復以身家效焚夷儀感悟復
爲畫計謝郭得全軍歸初焚夷爲人挾誘頗悔禍先
生欲撫定之而議者貪功遂致用兵士卒死者十六
七乃得小捷當道始多先生事聞朝廷特賜白金文
綺他皆僅免罪而已故事土官父老子代者必納賄
諸司始得請緣是土官押諸司征調輒爲無狀播州
宣慰使楊斌病請代而賂不至數年爲諸司所格先

生至卽奏代以金謝不受涕泣持去其爲雲南司鹽法在湖廣宗室甚繁歲入祿米多羨餘二者人咸籍以自利先生一無所染而下州所產丹砂蛇艾諸物當道有物色者既不之應或詬詈之其心以爲吾之自處若此則亦以此望之人人而或以爲簡亢或以爲矯激於是忌者始衆夫澤旣薦先生爲四川忌者日起又外官朝覲有引年例而先生年且六十有六是時忌者旣幸得間又惡澤侵已權竟予致仕以歸歸之日人咸冤之而先生之意灑如也方在郡時每發憤輒爲詩見志傳者愛其詩多爲悲賞然是時忌

獻徵錄

卷之八十八

十五

者素以文字號相知乃獨乘間若此豈亦忌其文耶劉瑾用事威虐中外畿內郡邑皆歲有所獻先生爲廣平止具二帕瑾笑曰是非清苦太守耶飯其使遣之雲南黔國公沐紹勛禮絕方岳先生與分庭相抗武定侯郭勛鎮湖廣肆武斷二司不敢馳中道行先生強其門以入二人者竟亦無所報夫能行於逆閹武夫而不能使故交之無忌心則是勢利奪之也先生澹於勢利故絕識非人所及每每軒輊孫吳排斥佛老拔識名士嬰犯避諱而無畏沮蓋其所追步者皆古之人而不取必於衆故也少嘗思范文正義田

恨不能償每割產分俸以且效家居貧薄絕跡公府處隣里親友不異儒生性喜飲飲必擇酒酒必引滿醉則掀髯高論若無與伍冬月能飲水數升經年不浴身無垢穢往在南京仙人尹蓬頭常來乞食每假宿戲語他貴人邀之卽不去先生年至八十有五強壯不衰人遂以爲得仙一日偶病酒檢遊仙詩日自默誦已而索修真書忽不能視遂瞑目寢家人驚問曰有分付否先生曰分付何用又問曰心明白否曉目應曰比汝更明有頃遂逝嗚呼其所立如此何假於仙術哉先生家居同邑有東州羅公先考雙泉公

獻徵錄

卷之八十八

十六

數人十餘年不一相問訊然心許可事砥礪各以古人自期待數年以來相繼淪落而士風亦隨以變相彈以勢相援以利使後生小子爭爲交游嫵媚以資衣食而莫知其流之所極談古人行事不以爲迂關則以爲背時不適於用有志者爲之皇惑而無所取裁則洪先所爲悲者豈獨先生一身哉先生生天順戊寅正月十日卒嘉靖壬寅二月十二日

湖廣左布政使何公鰲墓志

黃佐

嘉靖癸巳仲冬十有二日湖廣左布政使鴈峰何公卒于九江夫天下難處之事三而公優焉之是可以不朽矣在 毅皇帝時佛郎機夷人假貢獻以窺我南海遁彤甘賄使侍 上肆夷語於是夷酋憑恃竊靈部見蹙驚公爲仙史疏其利害請銷患未萌逐之出境朝議從之而帖然以定及按湖廣藩封星羅其間出令多肘掣祿米不時給則恒譴于有司公乃奏以守臣抽分充其缺乏而人無弗稱便者詰發襄府僞官復楚世子侵地諸司皆吁駭曰前此所亡有也

歐陽修

卷之八

七

副臬備戎於徐州時河溢爲患藉兵夫餘力築長隄焉自沛亘徐連絡百里隄成而大水至民免爲魚者刻石頌之嗟乎宗藩以與王室俱而難勸河患以與天地俱而難平夷種以與生民俱而難治雖聖人親親能使不怨焉耳矣治水行所亡事焉耳矣治夷狄以不治焉耳矣故曰天下難處之事三而公優焉之予詳書其大者衆善可得而榮也公諱鰲字子魚其先徐人始遷南雄再遷今順德之黃連曾祖考永安以上多隱德祖考昌鄉進士令浙之麗水宣平有政聲考一達遊庠序抱學弗售以公貴贈監察御史母

陳氏贈孺人公明禮經領弘治甲子鄉薦第五人登正德戊辰進士令浙之慶元均平里賦鰥擊豪權而蘇會之以治行第一入爲御史嘗彈糾大臣之奔趨固位者巡湖廣郵災撻伏多赫赫可領出守松江革科斂清冊稅除穢戶正糧役小民蒙其美利而巨室或嘆之遇早暴烈日中且拜且禱雨應期至復有靈芝醴泉之異皆辭而弗有人以是益賢公晉浙江按察副使分巡寧紹訟獄以清改兵備徐州定驛傳條約歲省費以巨萬計去縣令奉職之尤無狀者盜日以銷而民安作晉參閻省政事尋晉右轄又遷應湖

歐陽修

卷之八

七

省左轄皆以最陞而謂者猶謂其不足以償昔淹滯云生于成化甲辰十月壽僅五十鄉評以公孝友明達學術足以大用而弗究于行咸惻惜之

湖廣右布政史公朝宜墓志銘 黃光昇

公諱朝宜字直之別號方齋始祖諱馮者自寧波入
閩居晉江之平易里歷傳至惠以孝行著成化中詔
旌其門復推子盛貴貴之爲戶部郎中惠生臨鴻生
時奉時泰生宏珂世稱厚德君子宏珂公別號淳菴
娶吳氏以正德甲戌十月六月生方齋公卜者言當
爲盛世名儒非徒功名富貴士也長補邑庠弟子員
領鄉薦登進士第歷官湖廣右布政使乞致政歸萬
曆辛巳三月十有二日卒于家公配薛氏先公卒公
嘗自言少受業於其伯父商厓公日講四書周易不
獻徵錄 卷之八十八 一

襲時帥膚說務根極聖賢垂訓本旨翌日答而未悉
必使反而更思之復未悉者責之既悉方與續講後
章自是循循孜孜愈久愈覺意味深長真有不知乎
之舞之足之蹈之者公讀書之法然也公既樂得書
味遂以身而服行之自細常倫理之大以至謁見取
受一事一物之微尙有畔於聖賢垂訓義理儼然不
使少加於其身也公弱冠卽以儒士應試補邑庠弟
子員士慕公屢試皆高等也競學步其舉子業公曰
是筌蹄耳君等邇志聖賢義理意見既充詞自足以
達之抑士君子立身天地間道德功業職分重矣奚

區區舉業效習爲也嘉靖丁酉秋公與弟禮齋公赴
秋闈同登鄉榜然四上春官不售公守聖賢禮義之
訓久而彌堅竟不徇俗尙爲干有司治私殖計也已
酉淳菴公患瘡臥床公躬理藥餌時湯粥扶持起居
者五餘月至目不交睫歿而哀且毀執喪必如禮制
遂卜宅兆於雲臺之麓且與弟禮齋公廬墓諸書者
三年不知有世事也壬子冬復偕弟上春官癸丑春
同登進士公拜山陽縣令山陽當南北水陸之衝冠
帶之倫往來絡繹往時卑者攀致阿奉亢者第極意
於其顯且要者餘悉慢置而留滯之公率性省約品

無高下施無隆殺惟應得水陸夫馬隨至隨輿故行
客悉以便利爲忻而里甲歲節供餽何啻幾千百計
也山陽民貧地瘠賦額本重而積歲雜辦復繁於是
民多流移地益荒蕪當路督計嚴急催徵艱甚公以
帑藏備賑之蓄遺糧於江南湖北之間招賑其流移
者而代輸其所逋負蓋存活淮民莫可計其數也是
時倭奴入寇彌滿浙直淮揚海門之間公防守封疆
保定居民遭值少司空趙文華氏怙時相寵得請如
浙直購海神退賊所至勞費不貲既誣殺提督尚書
經巡撫都御史天寵復假監督浙直請軍事成陵督

撫三司府州縣官叢賂保命奚啻百萬計乃過淮時公惟祇應夫皂諸役餼廩常供不至後時而已趙怒以爲慢已既則知其爲苦節吏也置之南計出納繁劇公以廉稱上意掙主計事淮民攀號遮泣聞母吳氏恙因便道省覲奉侍左右甫半月遂丁吳母憂時附身附棺躬致誠信服闋公室薛謂倭患未寧祠墓介心且諸子長者欲娶幼者日長從師受業於家爲便悉身任之謂公至維揚時可擇側室以行公既禮取李氏還朝補主北戶部事旋督餉雲中事竣則聞亂民導倭發塚挾贖公痛如割因取道南奔時淳菴

休後錄

卷之八十八

主

考批二樞薛室先募兵壯亟昇返矣惟祖墳已爲賊發遂開關山谷萬方購獲之於是薛室以驚怖勞瘁亦感病卒公適抵家哀痛成喪乃行公拜地官郎兩還家一嘗母氏方啓手足之際一值先祖失藏衣冠之日又得不廢杖期之禮而皆適與時會人感天應豈偶然哉大司徒掌邦計九邊列藩奏請題覆劇矣而皆以屬公諸參度機宜擬議方略近適一時之便遠垂百年之守司徒以上無弗當宸衷者於是考最承恩考妣室氏皆奉寵贈璫屋遠在海外外守臣相繼以賄敗 聖天子方懷南顧憂司銓者遵公以行或

慮盜泉非所以爲飲也公曰試使吏齊飲終當不易心至則悉掃歷年珍奇之取撫安積剝疲憊之民崇風教以正酣淫之俗肅官箴以剔貪殘之吏凡生熟黎蠻五指岐夷罔弗率俾蓋公夙稟恬淡中不自亂素位正已絕無阿緣故其清風披拂仁澤浸灌如此 聖天子嘉樂之卽拜公廣東按察副使治兵海南公申布恩信內固岐黎歸附之心更新威令外革將吏玩愒之弊海洋積寇李茂吳平之屬聞風東遁於是湖廣商販烏鰂橫江往復滄溟之際無復剽掠之患公之功被百粵如此東吳兩浙遭倭奴殘破之餘

休後錄

卷之八十八

主

民弊於征調供億方望廉仁安集之浙西嘉湖田則輕重參錯賦役復繁且急尤費經綸 上乃命公參政浙藩分守浙西三郡公罷不急之費止無名之徵鋤總書飛酒扣隱之蠹掃庶屬煎銷鉛炭之焚田賦盡一糧解鼓舞感誦東粵山海盜劇而諸道捕兵率與盜通村居良民家稍給者兵盜合謀伴首網誣於是民冤盜橫厲氣充塞而吏其土者復大率爲富家計蓋吏與盜交相爲虐將方與無東粵矣尋以公總東粵憲惟公正本清源素爲粵人所信服故不怒而威捕兵斂劇盜伏平反大小獄而旣無冤民澄清嶺

東西海南北吏而與無焚瘴遇入觀期祇以嶺海總
憲職述諸 聖天子命天官卿總內憲者大計之以
公為卓異於是元輔張江陵氏欲收士望遂徵宋蔡
京招楊龜山近石亨延吳與弼例屬司銓者擢公為
楚藩右轄公曰士各行所志耳毅然履任時側室李
氏亦以身繫子女嫁娶則命其侍人周氏往司晨夕
服食事公視江陵親局桀以刑名慘刻道不同也尋
遵例呈撫臺為請歸休則有謂曰公家雖貧而楚帝
所掌握也惟時時致慇懃意即當交代余矣公退曰
是盜國營私非吾所能也復以休請則復曰渠借重
故微錄 卷之八十八

主事

公也來歲大比只為再拔一令公子即六卿之長惟
公所欲耳公退曰是欺君枉法非吾所能也迺自馳
使特疏再疏司銓者覆請得旨回籍調理且云病痊
之日撫按具奏起用公歸而治小書至於陋巷之東
仍讀書其中時與弟禮齋公廬居雲臺先塋側以山
林泉石為樂有司當道之門足跡未嘗及也晉尹梁
公守瓊郡憲海南時門生也梁時時效恭公第公誦
宛丘默示箴意惟以清慎勤三事諄諄期之而已竟
無一語及身世事即渠有致私厚意但纔覺其顏色
遂以他辭拒之竟不可得以私抵也蓋公清貞之節
道義之守終始不易如此公年六十有八

湖廣布政司左布政使武公尚耕墓志銘

葉向高

歲甲午楚藩臣修歲事貢魚鯉鮮鮓如令甲 上謂
近已詔徵直且增額何以格不遵罪左布政使奪三
官議者謂布政賢且貢在詔前非格也不宜罪于是
自輔臣宰臣至臺諫皆疏爭甚力 上益怒竟削布
政職歸天下惜之然猶冀 上意回可復收用乃未
幾布政沒矣布政者溧水武公尚耕字邦聘別號秦
川者也公有子孝廉為余丁酉舉士卜葬公請余銘
其墓余按公先河南陝州人靖康亂始祖正六公徙
微錄 卷之八十八

主事

溧水之蒲家村六傳至安安生鎮鎮生澤澤二子長
昂次局澤局皆以公貴贈中大夫四川布政司右叅
政昂號橙墩娶于李生一子復娶王生三子公其季
也公生歲餘橙墩公始自青溪歸撫之而喜曰兒必
大吾門十歲失王淑人哀毀如禮後從橙墩公于青
溪使任居息非其好也則以晝修十一業夜篝燈讀
書族祖某憐其志為請橙墩公使就學十九補弟子
員學使者吳公耿公王公皆器拔之隆慶戊辰以特
選入留雍所交游劇切多知名士庚午舉其鄉第三
人明歲成進上觀政戶部除廣之程鄉令程鄉負山

而近海俗獷難治業已敗數令主爵者欲以才進士往乃屬公公至則畢力興除惟恐不及邑故十八里復割其四他隸而以十四里分爲二十公謂地削而里增名實無當且茲援乃請于當道仍其故往邑有徭役取給編戶豪民因漁獵爲利至累及市商公行免役法一無所援里甲故有供應或以例請公曰此民脂也亟蠲之贖罪故有緩公戒無緩其輸粟以備荒有兩盜相訟當庭鞠時介者數人闖門內餘數百人窺門外伺公意有重輕卽俱闖入或勸公且引避公不爲動正色詰之盜驚伏徐令尉出諭餘黨皆送

秋徵錄

卷之八十八

主

巡去邑人謂徵公縣且喋血癸酉充其省考試官所取多名士冬當入計疏留毋行上衆公卓異賜白金文綺公感異知益思自效劇賊葉峰椿者嘗陷城執舊令久逮不獲至是復入境殺掠公選鄉兵擊斬之以其餘勁躡朱良寶于海還俘掠無算羊子徐文江碧山等皆宿賊縱橫出沒郡邑苦之公悉捕獲正法奸民股慄竄入他省獨渠魁王常最雄黠爲搜獲膏若數盜皆以五千人出掠蔓入贛州無禦者督府譚剿公謂宜用撫乃爲檄諭常仍遣邑佐往爲許陳福福常雅服公威信蒲伏繫頸率其子詣謝公釋

之禍遂弭乙亥徵入拜禮科給事中言論侃侃不激不阿其請勵聖學疏尤婉切有體上嘗見公偉幹豐儀心識之每疏至輒曰此長給事章耶奉使荆藩過家道拜戶科右給事中尋補外爲江西僉事分部湖東公居諫職有聲不宜外又不宜僉事而是時江陵柄政公其門下士也少還往江陵意望故有茲遷公之湖東練兵諸盜督勵諸將皆奉命戎具大修境內晏然屬歲不登計戶子數多所全活奏績爲諸道最以橙墩公憂歸服除仍故官移蒞汀漳兼轄程鄉程父老自公去復苦盜相率走訴公馳檄定之賊

秋徵錄

卷之八十八

主

吳雙謀劫漳捕得赦其黨與郡人訛言相驚徵兵自衛公不從卒亦無他汀上枕有兵不任戰其將邑佐耳玩而無震公簡壯士部伍之使武弁知兵者代將一軍遂精又上幕府書議益募土著幕府欲募漳人公謂備汀則宜用汀人爭之強幕府不能奪諸料餉簡器皆用公畫凡增兵若干民不知費滿考晉湖廣參議治鄧上漢水決南子垸荆西岌岌公力任築塞躬畚鍤晝夜不休時巡行諸隄補罅直漏水不爲災鄧民賴之晉四川按察副使巡上川南建南夷糾五哨大哨及黑骨諸夷並稱亂中丞宛陵徐公請討